



SULEQATIGIISITSISUT  
SAMARBEJDSPARTIET

UKA2018/27  
Tillie Martinussen  
19. november 2018

(Inatsisartunut ilaasortaq Jess Svane, Siumut)

**Inuit nappaammik eqqorneqarsimasut oqaaseqartartoqalersinnaaneratt pillugu apeqquaqat aallaavigalugu oqallinnissamik siunnersuut.**

(Inatsisartunut ilaasortaq Tillie Martinussen, Suleqatigiissitsisut)

Naak inuit nappaammik eqqorneqarsimasut oqaaseqartartoqalernissaannut siunnersuut ajungikkaluartooq Naalakkersuisutulli isumaqarpugut aqutissaq pitsaanerpaaq tassaassasoq nappasimalinnginnissamut suliniutaasartut ullumikkut ingerlareersut nukittorsarnissaat.

Mannani periarfissaq atorluarusupparput oqaatigissallugulu oqarasuaatikkut nakorsamut sianersinnaaneq ineriartortittuartaqartoq saaffiginnittoqarsinnaajuassasoru. Piffissami ingerlanerani pitsanngorsaanissamut inissaqarpoq naak ingerlatiinnarlugu oqarsinnaagaluarluta allanut naleqqiullugu pitsaanerpaasoq allat napparsimasorpasuit ilagalugit utaqqisarfimmiinnissaq. Taamaasilluni aaqqissuussineq taartaasumit pitsaaneruvoq aammali qarasaasiakkut nakorsap attavigineqarsinnaanera nakorsaatinut allagartat nutarterniarlugit il.il. periarfissaalluarpoq.

Qularutigineqassanngilaq napparsimavimmi sulisut ulapputtaqimmata.

Sapaatip akunnerata siuliani angaara 73-nik ukiulik toqkkut qimaguppoq. Pingasunngornermi ullaakkut isseqisoq ilaqutariit katersuuttussaavugut

Qularutigineqassanngilaq napparsimavinni sulisut ulaperulummata.

Sapaatip akunnerata siuliani angaara 73-nik ukioqarluni toqkkut qimaguppoq. Ilaqutariiusugut katersuuttussaavugut toqusut inaanniik anninneqartinnagu tussiarfigisussaagatsigu pingasunngornermi ullaakkut. Tamatta pisupput toqusut inaata tungaanut aamma qatanngutaa arnaq pitsorluttoq katersuullutalu piffissami isumaqatigiissutigisimasarput eqqorlugu.

Minuttit qulit missaanni utaqqivugut matup paarnaqqasup silataani eqqumiigalugu takkuttoqanngitsoq.

Immikkoortortamut toqquvigisaanut sianerpugut ilisimatinneqarlutalu inimut toqquvigisaanut tussiarfigiartortariaqarippu toqusut inaannut nuunnissaanut isumaginnittussaqaarsimanngimmat, taamaattumik angumerineqarsinnaasimanngilaq agertinnata nuunnissaa.

Inuulluaqqusinerpulli kusanarpoq. Nakorsiartartimmit issiavimmik assakaasulimmik atorpuqut ajaga utoqqat immikkoortortaarfiliaakkumallugu aamma palasi sullisilik takkuppoq tussiaqatigalutalu, qinoqatigalugu tuppallarsarlutalu.



SULEQATIGIISITSISUT  
SAMARBEJDSPARTIET

Inuulluaqqusinerput ajunngitsumik ingerlavoq.

Peqqissaasut puullaqerpaseqaat, ataqqinnipulli nikorfaqatigalutalu taamatullu isumagalu toqusortatta ingerlaqqinnissaa.

Naggataatigut portørit takkupput nuullugulu kingulliit aniartorlutik ingerlammata.

Oqaluttuap matuma naatsunnguup takutippaa sulisut qanoq ilungersortigisut aamma qanoq imaannaangitsigisoq suut tamarmik isumagineqarnissaat. Toqusortatta timaa sivisuumik inimiitinneqarsimavoq nillarserneqaranilu taamaattumik asiujartulereerlunilu ilerra matuneqarmata.

Kisianni sulisut ilungersorput isumagisassatik isumagiugmallugit - sullitassarivaammi inuit uumagallartussat.

Ullumikkut sulisunut qujamasuttorujussuuvunga sapinngisannguaminnik ikiupput aamma sulipput ulaperuloqalutik. Qujanaq aamma qujanaq toqusortatta inuulluaqquneqarnera eqqissisimasumik pitikkassiuk.

Naqissuserneqarporli suliassaminnut piffissamik atuinisaaq qanoq pingaaruteqartigisoq aamma ingerlatsineq tamanik salliussaaq, taamaattumik isumaqarpugut taanna suliarisariaqaripput. Akissarsiat sulinermilu atukkat pillugu isumaqatigiinniarnert piffissaagallartillugu isumagineqartariaqarput - taamaattorli immaqaa arfineq-pingajussaat taanna oqaatigaarput matumap ataatsimiinnerup ingerlanerinnaani aamma § 37 naapertorlugu apeqqutit atorlugit arlaleriarluta apeqquteqarfigaarput. Taamatuttaaq sulinermi avatangiisit qulakkeerneqarnissaat pillugu sulisooreersunillu tigungminniinnartarnissamut pilersaarusiortoqartariaqartoq.

Kissaatigisinnaavarput Aningaasanut Inatsisikkut amerlanerusunik peqqinnissaqarfik aningaasaliiffiqineqartariaqartoq taamatullu nunanik allanik suleqateqarnerput nukittarsartariaqartoq.

Napparsimasut peruluttut pisariaqartippaat pitsaanerpaamik sullinneqarnissartik aamma passunneqarnissartik nalilersuivigineqarnissartillu pikkorinnerpaanit.

Peqqinnissaqarfimmut nunanut assersuuffigerusuttakkatsinnut naleqqiullugu ajornerunngilaq nappaatip suunerata passineqarneraniit.

Katsorsarneqalernissamullu aqut amerlasoorpassuartigut sivilaarsinnaasarpog.

Sinerissami peqqinnissaqarfiit ataqatigiissarneqarnissaat aamma Danmarkimut Rigshospitalimut tunngatillugu pisariaqarpoq soorlu pilattaanissat aamma peruluttut katsorsarneqarnissaannut tunngatillugu.

Nakorsat pikkorissut aamma piffissaqarluarnisaaq, nakorsiarfimmi, napparsimasut takkukkaangata paasiniaarlugu sumik nappaateqarnerlutik. Paasiniaasarnert sukkanerunissaat aamma nakorsiaqqaartut itigartinneqartartut ikilinneqarnissaat pingaaruteqarpoq.

Naammagittaalliutit matumani oqallinnermi qaffakaapput taakkuli nakorsassaaleqinermi peqqissaasussaaleqinermillu pissuteqarput. Sulisussarsiornermi ajornartorsiutinik sualummillu sulisooreersut tigungmiinnarniarnerannut atatillugu ajornartorsiutinik.

Sulisut ikippallaat suliassaqarpallaarujussuarput. Illoqarfinni annerni nakorsiat amerliartupiloorput katsorsaasinnaasulli ikiliartorput.



SULEQATIGIISITSUT  
SAMARBEJDSPARTIET

Immikkut ilisimasallit ikiliartorput, tarnip nakorsai ikiliartorput aamma sulisut piffissaaleqipput suleruloqalutillu.

Qularutissaanngilaq init ajortut amerliartortut, taakkulu inuulluataarnerup kinguneranik nappaatigineqalersartunut qanorlu inuuneqarnerup kinguneranik nappaatigineqalersartunut ilanngukkaanni qaavaticullu pinaveersaartitsinnginnerit ilanngukkaanni artornarsiartortut amerliartorput. Tamaattumik uggornaqaaq Naalakkersuisut taamatullu siunnersuuteqartup partiiata pinaveersaartitsinermut siunnersuisoqatigiinnik pilersitsinissamut siunnersuuterput itigartinnikummassuk tassani kommunit tamarmik, namminersorlutik oqartussat il.il. suleqatigiisinneqalersinnaasimagaluarmata, aamma ataatsimut allattoqarfeqarlutik. Aamma ataatsimut suliniutit aallartinneqarsinnaakuttooraluarput.

Massakkorpiaq suliassarput tassaavoq sulisussarsiornissaq, akissarsiat sulinermilu atukkat pillugit isumaqatigiinniartoqarnissaa, nakorsiarnerit pitsaasut nakorsiarfiit piffissaqarluarfigisassaasat aamma oqaloqatigiinnissamut paasinialugillu kulturikkut oqaatsitigullu assigiinngissutit kiisalu sulisooreersunik tigumminnittarnissamut tunngatillugu ajornartorsiutit.

Neriuppunga pitsanngorsaasoqapallaakkumaartoq aamma qulaani taaneqartunut suliniutissat pimoorullugit aallartinneqarumaartut, taamaattumik isumaqarpugut siunnersuuteqartup siunnersuutaata piviusunngortinniarnissaanut piffissaanngikkallartoq.

Paarlattuanik inassutigaarput Nakorsanik nakkutilliisoqarfik nukittorsarneqassasoq, peqqissutsimut naalakkersuisoqarfik, nunap immikkoortuini napparsimaviit, sulisut tusaaneqassasut akuutinneqarlutillu, napparsimasut kattuffii nukittorsarneqassasut amma napparsimavinnut immikkut aningaasaliisoqassasoq, taamatullu oqaloqatigiissutigineqassasoq qanoq iliorluta sulisussaaleqineq aningorniarsinnaaneripput.

Suliat aallartikkasuarneqarlik akissarsiat sulinermilu atukkat pillugu isumaqatigiinniarnissat eqqarsaatigalugit. Taakku massakkoqqissaaq suliarisinnaavagut.

Qujanaq oqaaseqarsinnaagama.